



ПАВЕЛ АПОСТОЛДЫН  
ГАЛАТИЯДАГЫ  
СЕРКПЕЛЕРГЕ  
САМАРАЗЫ

1

<sup>1</sup>Кижилерден эмес, киж и ажыра эмес, же Иисус Христос ажыра, Оны тиргискен Ада Кудай ажыра апостол Павелден, <sup>2</sup>анайда ок мениле кожо жүрген ончо карындаштардан – Галатиядагы серкпелерге.

<sup>3</sup>Слерге Ада Кудайдан ла Иисус Христос Кайраканнан јакшылык ла амыр јетсин. <sup>4</sup>Ол бисти јаманга алдырткан бу телекейден айрыырга, кинчектерис учун Бойын берген. Мыны Кудайдын, бистин Адабыстын, табыла эткен. <sup>5</sup>Ого үргүлји чакка мак. Аминь.

*Өскө Јар јок*

<sup>6</sup>Кайкап јадым, слерди Христостын јакшылыгыла кычырып алган Кудайдан ылтам јана болуп, өскө Сүүнчилү Јарга баштандыгар. <sup>7</sup>Өскө Јар јок, јүк Христостын Јарын өскөртөргө күүнзеп, слерди түймедип турган улус бар. <sup>8</sup>Је бис те, тенериден ийилген ангел де слерге јарлаганыстан өскөни јарлай берген болзо, каргышка калзын! <sup>9</sup>Бис алдында айтканыс, эмди база айдадым: слер алган Сүүнчилү Јардан өскөни јарлап жүргени, каргышка калзын!

<sup>10</sup> Эмди меге кемнинг жарадузы керек? Улустыйы ба, эмезе Кудайдыйы ба? Айса, улуска жараарга кичеенип жүрген болдым ба? Улуска жараарга кичеенген болзом, Христостын кулы болбос эдим.

<sup>11</sup> Слерди билзин деп турум ине, карындаштар: мен жарлаган Сүүнчилү Жар кижинийи эмес. <sup>12</sup> Оны кижиден албадым, ого мени кижиди үрөтпеди, же оны меге Иисус Христос ачты.

<sup>13</sup> Иудейлердин чүм-жангыла башкыда канайып жүргенимди уккан эмейигер. Мен Кудайдын серкпезин күүн-кайрал жок истегем ле жоголтком. <sup>14</sup> Иудейлердин чүм-жангын бүдүреринде жажыт улус ортодо меге једери жок болгон. Анчада ла адалардын жанжыгуларыла жүрерге кичеенгем. <sup>15</sup> Мени энемнин өзөгинен бөлүп, Бойынын јакшылыгыла кычырып алган Кудай <sup>16</sup> калыктар ортодо мени жарлазын деп, менин бойымда Уулын ачарда, улусла јөптөшпөгөм, <sup>17</sup> мененг озо апостолдор боло берген улуска јолыгайын деп, Иерусалимге барбагам. Мынын ордына Аравия барып, ойто Дамаскка бурулгам.

<sup>18</sup> Онон, үч жылдын бажында, Кифага\* јолыгайын деп, Иерусалимге барып, анда он беш күн кире жүргем. <sup>19</sup> Өскө апостолдорды көрбөгөм, жүк Кайраканнын карындажы Иаковты көргөм. <sup>20</sup> Слерге бичип турганым – чын, онын керечизи – Кудай.

<sup>21</sup> Онон Сирия ла Киликия ороондор јаар жүре бергем. <sup>22</sup> Христостын Иудейдеги серкпелеринде акту бойымды билгилебес болгон. <sup>23</sup> Олор жүк улустын мынайда айдышканын уккандар: «Бу кижиди башкыда бисти истеп, Кудайга бүдерин јоголткон, же оны эмди жарлап јат». <sup>24</sup> Мыны угуп, мен учун Кудайды алкап тургандар.

## 2

<sup>1</sup> Онон, он төрт жылдын бажында, Варнавала кожо ойто Иерусалим чыккам. Бойымла кожо Титти база алгам. <sup>2</sup> Барганым не дезе, меге Кудайдан андый ачылта болгон. Кара јандулар ортодо мен жарлап жүрген Сүүнчилү Жарды ондогы бүдүп турган улуска, анчада ла энг тоомјылу деп бодолгон улуска, айдып бергем. Калас кичеенип тургам ба, айса кичеенгем бе деп билейин дегем. <sup>3</sup> Же олор мениле кожо жүрген Титти де, ол еллин де болзо, томдолзын деп

---

\* Петр апостолдын арамей ады. Таш эмезе кайа дегени.

албадабадылар. <sup>4</sup>Мыны жүк төгүн карындаштар күүнзеп тургандар. Олор Христос Иисус ажыра алган жайымысты кайып көрөгө лө бисти кулданарга ортобыска киргендер. <sup>5</sup>Je бис ологго эмеш те бакпадыс, Сүүнчилү Jarдын чындыгы слерге чеберлелзин деп.

<sup>6</sup>Эн тоомжылу улус керегинде айтса, олог не улус, кемдер болгоны меге башказы жок: Кудай улусты ылгабай жат. Бу улус менин Jарыма нени де кошпогондор. <sup>7</sup>Карын, Петрды еврейлерге чилеп, мени кара жандуларга Сүүнчилү Jar жарлазын деп, бүдүмжи эдилгенин көргөндөр. <sup>8</sup>Петрды еврейлер ортодо апостол эткени, мени де кара жандулар ортодо апостол эткен жок беде. <sup>9</sup>Меге Кудайдан жакшылык берилгенин көрүп, текши керек эдип жадыс деп, серкенин тайанчыгы деп бодолгон Иаков, Кифа ла Иоанн меге ле Варнавага колын бергендер. Бис кара жандуларга, олог еврейлерге барар болуп жөпсинип, <sup>10</sup>жүк жоктуларды ундыбай жүрзин деп сурагандар. Мыны мен кичеенип эдип жүргем.

***Еврейлер, кара жандулар чылап ок,  
Кудайга бүткениле аргадалат***

<sup>11</sup>Je Кифа Антиохияга келерде, мен ачыгынча ого удур болгом, ненин учун десе ол бурулу кылык эткен. <sup>12</sup>Иаковтон бир кезик улус келерден озо кара жандуларла кожо ажанатан. Je байагы улус jedип келерде, томдошко жайылган улустан айап, кара жандулардан жана базып, бөлүне берген. <sup>13</sup>Оныла кожо өскө дө иудейлер экижүстенген. Варнава база экижүстенип баштаган. <sup>14</sup>Je бат, олог Сүүнчилү Jarдын чындыгынча этпей турганын көрөлө, Кифага ончо улус көзинче айткам: «Сен, иудей бойын, иудей чилеп эмес, кара жанду чылап жүрүп турган болзон, иудейлер чилеп жүрзин деп, кара жандуларды не албадап турган?»

<sup>15</sup>Бис бүткен бүдүмисле иудейлер, кара жанду кинчектүлер эмес. <sup>16</sup>Je бис билерис, кижиде Jасакты бүдүргениле эмес, жүк Иисус Христоско бүткениле акталат. Онын учун Jасакты бүдүргенисле эмес, Христоско бүткенисле акталарга, бис те Христос Иисуска бүттибис. Jасакты бүдүргениле кем де акталып болбос ине. <sup>17</sup>Je бис Христос ажыра акту болорго жүткүп, бойларыс та кинчектү болуп калганысты көрзөбис, Христос кинчек эттирип жат эмеш пе? Jок туру! <sup>18</sup>Жайратканымды орныктырып турган болзом, Jасакты бузаачы деп, бойымды көргүзип жадым ине. <sup>19</sup>Jасакка эмес, Кудайга

болуп жүрөргө, Жасак ажыра өлүп калгам. Бойымды Христоско кожо кере тарткам. <sup>20</sup>Эмди мен жүрүп турган эмезим, же менин бойымда Христос жүрөт. Эт-кандуда жүрүмүмдү алза, Кудайдын Уулына бүткенимле жүрүп жадым. Ол мени сүйүп жат, мен учун Бойун берген. <sup>21</sup>Кудайдын жакшылыгын жектеерим бе? Же Жасакла акталгадый болзо, Христос калас өлгөн!

### 3

#### *Жасакла эмес, бүдүп турганысла акталарыс*

<sup>1</sup>Э-э, санаа-укаа жок галаттар! Слерди кем тармалады? Кере тартылган Христосты бойыгардын көзигерле көргөндий болдыгар жок беди.

<sup>2</sup>Жүк мыны слерден сурап угар күүним бар: Жасакты бүдүргенигер учун Тынды алдыгар ба, эмезе Сүүнчилү Жарды угала, бүткенигер учун ба? <sup>3</sup>Слер андый санаа-укаа жок болдыгар эмеш пе? Тынла жүрүп баштадыгар, эмди бойыгардын күчигерле туузылтып жадыгар. <sup>4</sup>Көпти шыралап өткөнигер калас болды эмеш пе? Бу калас болор аргазы жок. <sup>5</sup>Анайдарда, слерге Тын берип, ортогордо кайкалдар жайап турган Кудай мыны Жасакты бүдүрүп жүргенигер учун эдет пе, эмезе Сүүнчилү Жарды угала, бүткенигер учун ба? <sup>6</sup>Авраам анайып *Кудайга бүткен, онын учун оны Кудай акту кижидеп адаган.*

<sup>7</sup>Билип жүрүгөр, бүдүп турган улус – Авраамнын уулдары. <sup>8</sup>Кудай кара жандуларды Ого бүдүп турганы ажыра актаар деп, Чийимде судурлалып, Авраамга озолодо Сүүнчилү Жар айдылган: *«Сен ажыра ончо калыктар алкалар»*. <sup>9</sup>Онын учун бүдүп турган ончо улус бүдүп турган Авраамла кожо алкалып жадылар. <sup>10</sup>Же Жасакка иженген ончо улус каргышту жүрүп жат. Бичилген жок беди: *«Жасактын бичигинде бичилгенди ончозын бүдүрбей турган не ле кижиде, каргышка калганы ол»*. <sup>11</sup>Жасакла Кудайдын алдында кем де акталып болбозы жарт, ненин учун дезе, *акту кижиде бүдүп, тирү жүрөт*. <sup>12</sup>Жасак Кудайга бүдөрилө бир де колбу жок. Же *Жасакты бүдүрүп турган кижиде оныла тирү жүрөт*.

<sup>13</sup>Христос бисти Жасактын каргыжынан жайымдаган, бистинг ордыбыска каргышты бойына алынган. Бичилген жок беди: *«Агашка*

*кере тартылган не ле кижги, каргышка калганы ол*. <sup>14</sup> Авраамнын алкыжы Христос Иисус ажыра кара жандуларга да берилзин деп, Кудай берер болгон Тынды Ого бütкенис ажыра бисти де алзын деп, мынайда болгоны бу.

***Јасак ла берген сөс***

<sup>15</sup> Карындаштар! Кижги чилеп шүүп айдадым: кижги де јараткан кереести кем де јектеп те, ого нени де кожуп болбос. <sup>16</sup> Је Авраамга ла онын калдыгына Кудай сөзин берген. Көп чилеп, «калдыктарына» деп айдылбаган, је јангыс чылап, «калдыгынга» деп айдылган. Ол дезе Христос эди. <sup>17</sup> Мыныла айдайын дегеним бу: төрт јүс одус јылдын бажында табылган Јасак Кудай јараткан кереести ле ондо берилген сөсти токтодып болбос. <sup>18</sup> Энчини Јасактан алып турган болзо, оны берген сөслө алып болбос ине. Је мыны Кудай Авраамга Бойынын сөзиле сыйлаган.

<sup>19</sup> Анайдарда, Јасак не керек? Ол сонгында јазыктардан улам Кудай берер болгон калдык једип келер өйгө јетире берилип, ангелдер ажыра, ортокчынын болужыла тургузылган. <sup>20</sup> Је Ортокчы экүнин ортодо керек. Кудай дезе јангыс.

<sup>21</sup> Анайдарда, Јасак Кудайдын берген сөзине удурлаш па? Јок туру! Улус јүрүм бергедий Јасак алган болзо, Јасакла акталар эди. <sup>22</sup> Је Чийим ончозын кинчектин олјозында деген, Иисус Христоско бütкени ажыра берер болгонын Кудай бүдүп турган улуска берзин деп.

<sup>23</sup> Кудайга бүдетен өй келгелекте дезе бүдетени ачыларга јетире Јасактын каруулына алылганыс. <sup>24</sup> Онын учун бүдүп акталзын деп, биске Јасак Христоско экелетен таскадаачы чылап берилген. <sup>25</sup> Је бүдетен өй једип келерде, таскадаачынын башкартузынан чыга бергенис.

***Кулдар ла Кудайдын уулдары***

<sup>26</sup> Ончогор Христос Иисуска бүдүп, Кудайдын уулдары болуп јадыгар ине. <sup>27</sup> Ончогор Христостын Бойында креске түжүп, Христоско түнгейлештигер. <sup>28</sup> Эмди иудей де, кара јанду да јок; кул да, јайым кижги де јок; эр де, үй де кижги јок – ончогор Христос Иисустын Бойында бир бүдүн. <sup>29</sup> Је Христостыйы болзогор, слер – Авраамнын калдыгы, Кудайдын берген сөзиле энчиленеечилер.

## 4

<sup>1</sup>База айдарым: бала тужы өткөлөктө, энчилеенеечи ончозына ээ де болзо, кулдан незиле де ангыланбайт. <sup>2</sup>Je Адазы темдектеп койгон ойгө жетире ол кичееп көрүп жүрген кижиге ле айылдын башкараачыларына багат. <sup>3</sup>Анайып бис те: бала тужыбыс өткөлөктө, бу телекейди башкараачы жасактардын кулданыжында жүргенис. <sup>4</sup>Je темдектелген ой jedип келерде, үй кижиденг туулган, Жасактын бийленижинде жүрген Уулын Кудай биске ийген, <sup>5</sup>Жасактын бийленижинде жүргендерди жайымдап, бисти балазынайын деп. <sup>6</sup>Слер Кудайдын уулдары учун Ол жүректериске Уулынын Тынын, «Авва! Ада!» деп кыйгыраачы Тынды, ийген. <sup>7</sup>Онын учун сен эмди кул эмезинг, сен – уулы; уулы болзонг, сен – Кудайдын энчилеенеечизи.

<sup>8</sup>Je Кудайды билбес тужыгарда ар-бүткендеги кудайлар да эмес немелердинг кулдары болгоныгар. <sup>9</sup>Эмди десе Кудайды билеригер, чынынча айтса, Кудай слерди билип алган. Андый болзо, бу телекейди башкараачы күч жок ло түрени жасактарга не ойто буруларга жадыгар, ологорго бойыгарды ойто кулданышка берип жадыгар? <sup>10</sup>Чокым күндерге, айларга, өйлөргө лө жылдарга ајару эдедигер. <sup>11</sup>Слерге күчимди салып, калас иштеген болорым ба деп, слер учун коркып турум.

***Бис – жайым үй кижининг балдары***

<sup>12</sup>Слерди жайнап турум, карындаштар, мендий болугар! Мен де слердий инем. Слер меге бир де жаман этпедигер. <sup>13</sup>Слерге баштапкы катап Сүүнчилү Јар јарлаарымда, эди-канымда чине јок болгонын билеригер. <sup>14</sup>Эди-канымнын чине јогы слерге ченелте болгон, је менен јескинбедигер. Карын, мени Кудайдын ангелин чилеп, Христос Иисусты чылап уткыдыгар. <sup>15</sup>Ол тушта кандый кежиктү болгон эдигер! Бойым керечи болгом: аргалу болзо, көс-төригерди чупчып, меге берип ийер эдигер! <sup>16</sup>Эмди не? Слерге чынды айдып, өштүгер боло бердим эмеш пе?

<sup>17</sup>Бу улус слерди бойларына тартып аларга жадылар, је оны јакшыга эмес эдедилер. Слерди ологорго тартылсын деп күүнзеп, бисти айрыштырарга жадылар. <sup>18</sup>Јангыс та слерле кожо жүреримде эмес, је јаантайын быйанду керектерге тартылып турганыгар јакшы.

<sup>19</sup> Балдарым! Христоско түңейлешпегенчер, бала таап јаткан үй кижичилеп, слер учун ойто кыйналып јадым! <sup>20</sup> Эмди слерде болуп, өскөртө куучындажар эдим, ненин учун дезе слерле не боло бергенин алаң кайкап турум.

*Авраамнын эки уулы*

<sup>21</sup> Слер, Јасактын бийленижинде јүрерге күүнзегендер, меге айдыгар: Јасакты аайлап јадыгар ба? <sup>22</sup> Бичилген јок беде: «Авраам эки уулду болгон. Бирүзи кул үй кижиден, экинчизи јайым үй кижиден туулган». <sup>23</sup> Је кулдын уулы эт-каннан туулган, јайым кижинин уулы Кудайдын берген сөзиле туулган. <sup>24</sup> Мында бултаартып айтканы бар. Бу эки үй кижичи эки кереесле түңейлештирилип јат. Бирүзи – Синай кырда јөптөлгөни, ол – Агарь. Онын балдары кулданышка туулат. <sup>25</sup> Агарь, Аравиядагы Синай кыр, эмдиги Иерусалимге келижет, ненин учун дезе ол бойынын балдарыла кожо кулданышта. <sup>26</sup> Тенгеринин Иерусалими – јайым. Ол бистин энебис. <sup>27</sup> Бичилген јок беде:

*«Сүүн, барланбаганы, бала таппаганы!*

*Кыйгыр, јырга, бала таап кыйналбаганы,  
ненин учун дезе,*

*јангыскан үй кижинин балдары айылдузынан көп».*

<sup>28</sup> Слер, карындаштар, Исаак ошкожыгар – берген сөслө туулган балдар. <sup>29</sup> Је ол тушта эт-каннан туулганы, тыннан туулганды истегени чилеп, эмди де истеп јат. <sup>30</sup> Чийим не дийт? – «Кул үй кижини ле онын уулын сүр, ненин учун дезе кулдын уулы јайым кижинин уулыла кожо энчилебес». <sup>31</sup> Онын учун, карындаштар, бис кулдын эмес, јайым кижинин балдары!

## 5

*Јайымыгарды бербегер*

<sup>1</sup> Јайым јүрзин деп, бисти Христос јайымдаган. Анайдарда, бек туругар, кулданышка бойыгарды комуттадарга бербегер.

<sup>2</sup> Бат мен, Павел, слерге айдып турум: бойыгарды томдоорго берзегер, слерге Христостон бир де туза болбос. <sup>3</sup> Томдолып турган не ле кижиге база катап керелеп турум: ол ончо Јасакты бүдүрер учурлу. <sup>4</sup> Слер, бойыгарды Јасакла актап турган улус,

Христос жок арттыгар, жакшылыкты жылыйттыгар. <sup>5</sup> Бис дезе, тынла иженип, Кудайга бӱткенис ажыра акталарыс деп, сакып жадыбыс. <sup>6</sup> Томдолгоны ба, томдолбогоны ба, Христос Исустын алдында учур жок ине. Же сӱӱш ажыра болуп турган Кудайга бӱдери учурлу.

<sup>7</sup> Слер жакшы баштадыгар. Чындыкка бакпазын деп, слерди кем токтотты? <sup>8</sup> Андый бӱдӱндиру слерди Кычырып алганынан эмес. <sup>9</sup> Бир эмеш ачыткы ончо кулурды ачыдат. <sup>10</sup> Слер керегинде меге Кайракан бӱдӱмжи берип жат: слер башкалап сананбазыгар. Слерди тӱймедип турганы дезе, кем де болзо, кезедилер. <sup>11</sup> Карындаштар, эмди де томдошты жарлап жӱрген болзом, мени не учун истеп жадылар? Ол тушта крес буудак болбос эди. <sup>12</sup> Слерди тӱймедип турган улус дезе бойындазын кескей.

<sup>13</sup> Жайым жӱрерге кычырылдыгар ине, карындаштар. Жайымыгар жӱк эт-каннын керексигенин жеткилдээр арга болбозын. Карын, бой-бойыгарга сӱӱшле жалчыланыгар. <sup>14</sup> Ончо Жасак бир сӱстӱ салынган: «*Бойынды сӱӱгендий, жуугынды сӱӱп жӱр*». <sup>15</sup> Кӱрӱгер! Челдежип, жижип турган болзогор, кырыжып койдыгар.

***Тынын ла эт-каннын керектери***

<sup>16</sup> Айдып турум: тынла жӱрӱгер, эт-каннын кычазына бакпазыгар. <sup>17</sup> Эт-кан тынга удурлашты кӱӱнзейт, тын – эт-канга удурлашты. Олор бой-бойларына удурлажып жадылар. Анайдарда, эдейин дегенди этпейдигер. <sup>18</sup> Же тынга башкартып турган болзогор, слерди Жасак бийлеп болбос.

<sup>19</sup> Эт-каннын керектери иле: балыр жӱрӱм, быјар, токтодынбазы, <sup>20</sup> чалуга бажырыш, илбизин, ӱштӱш, кериш-чугаан, кӱнӱркеш, чугул, ӱӱн-бӱкӱн, бӱлӱниш, жайрадуга экелеечи тӱгӱн ӱредӱ, <sup>21</sup> жаман кӱрӱш, аракыдаш, той-жыргал ла бого тӱнгеј немелер. Озолондыра айткан эдим, эмди де айдып турум: мынайда кылынып жӱргендер Кудайдын Каандыгын энчиленбес.

<sup>22</sup> Тында дезе туулат: сӱӱш, сӱӱнчи, амыр, узакка чыдажыш, быјанзыш, буурсаш, бӱдӱмжи, <sup>23</sup> жобожыш, тудуныш. Мыны ончозын жаргылаар Жасак жок.

<sup>24</sup> Же Христос Исустыйы болгон улус бойларынын эди-канын кӱӱнземелиле, кычазыла кожо кере тартып койгон. <sup>25</sup> Тынла жӱрӱп турган болзобыс, жӱрӱмисти Тын башкарар учурлу.

<sup>26</sup> Жакшыркабайлы, сайгакташпайлы, кӱйӱнишпейли.



## 6

### *Бой-бойыгардын жүктеригерди апарыжыгар*

<sup>1</sup> Карындаштар! Кандый-бир кинчекке туттурган кижини слер, тынла жүргендер, түзедигер. Же мыны јобоштын тынында эдигер. Бойыгар кинчекке туттурбаска, кажыгар ла бойыгарга ајарынкай болугар. <sup>2</sup> Бой-бойыгардын жүктеригерди апарыжыгар. Анайып Христостын Јасагын бүдүрип койорыгар. <sup>3</sup> Кем де эмес бойы, та кем деп бодонгон кижини, бойын бойы аскырат. <sup>4</sup> Кажы ла кижини бойынын керектерин ченезин, ол тушта өскө улустаган эмес, бойы бойында јараду алар. <sup>5</sup> Кажы ла кижини бойынын жүгин апарар ине.

<sup>6</sup> Сөслө үредү алып турган кижини үредүчизиле ончо јакшыла үлешсин.

<sup>7</sup> Аспагар! Кудайды электеер арга јок. Кижини нени үрендеер, оны јууп алар. <sup>8</sup> Эт-канына болуп үрендеечи, эт-каннан чирип турганды јууп алар; Тынга болуп үрендеечи, Тыннан мөңкү жүрүмди јууп алар. <sup>9</sup> Јакшыны эдип, јобобойлы. Уйдашпасабыс, бойынын өйинде түжүмди јууп аларыс. <sup>10</sup> Анайдарда, эм тура өй бар тушта, ончо улуска јакшыны эдели, анчада ла бүдүп турган улузуска.

<sup>11</sup> Бу јаан таныктарды көрүп туругар ба? Олорды мен слерге акту бойымнын колымла бичидим.

<sup>12</sup> Слерди томдонсын деп албадап тургандар улуска јараар күүндү. Олор мыны Христостын креси учун сүрдүрбеске болуп эдидилер. <sup>13</sup> Олор, томдолгон до болзо, бойлоры Јасакты бүдүрбейдилер, слерди дезе тыш керектеригерле мактанарга, томдолсын деп күүнзейдилер. <sup>14</sup> Мен дезе неле де мактанар күүним јок, Иисус Христос Кайраканыстын крезинен башка. Бу крестинг шылтузында меге телекей кере тартылган, мен телекейге кере тартылгам. <sup>15</sup> Кижини томдолгон бо, томдолбогон бо, бир де учур јок ине. Же ол Кудайдын јаны јайалганы боло бергени учурлу. <sup>16</sup> Бу ээжиле жүрүп турган улуска, Кудайдын Израилине амыр ла быйан јетсин.

<sup>17</sup> Адакыда айдарым бу: мени кем де јоботпозын, ненин учун дезе эди-канымда Христостын сорбуларын алып жүрүм.

<sup>18</sup> Иисус Христос Кайраканыстын јакшылыгы слердин тыныгарла болгой, карындаштар. Аминь.